



БАТЛАВ.
МОНГОЛ УЛСЫН ЕРӨНХИЙ АУДИТОРЫН
ОРЛОГЧИЙН АЛБАН ҮҮРГИЙГ ТҮР
ОРЛОН ГҮЙЦЭТГЭГЧ Ц.НАРАНЧИМЭГ

МОНГОЛ УЛСЫН 2022 ОНЫ НЭГДСЭН ТӨСВИЙН ГҮЙЦЭТГЭЛИЙН АУДИТАД АЖИЛЛАХ ШИНЖЭЭЧИЙН АЖЛЫН ДААЛГАВАР

2023 оны 5 дугаар сарын 08-ны өдөр

Дугаар:ҮАГ-АД/2023-22

Улаанбаатар хот

Ажлын зорилго: Шинжээч нь Монгол Улсын 2022 оны нэгдсэн төсвийн гүйцэтгэлд хийх аудитад судалгаа, дүн шинжилгээ хийх, мэргэжлийн дүгнэлт өгөх, зөвлөмж боловсруулах, аудиторуудад арга зүйн зөвлөгөө өгөхөд энэхүү ажлын зорилго оршино.

Ажил гүйцэтгэх хугацаа: Шинжээч нь 2023 оны 5 дугаар сарын 18-ны өдрөөс 2023 оны 6 дугаар сарын 02-ны өдрийг хүртэлх хугацаанд ажиллаж, шаардлагатай тохиолдолд Монгол Улсын 2022 оны нэгдсэн төсвийн гүйцэтгэлийг УИХ-аар хэлэлцүүлэх үе шатанд аудитын тодруулга, тайлбар бэлтгэж ирүүлнэ.

Байршил: Үндэсний аудитын газрын байр болон Сангийн яамны 9 дүгээр давхрын хурлын өрөөнд байрлан ажиллана.

НЭГ. ЕРӨНХИЙ МЭДЭЭЛЭЛ

Төрийн аудитын тухай хуулийн 6 дугаар зүйлийн 6.3.1, 6.3.3-т заасан бүрэн эрхийн хүрээнд “Аудитын сэдэв батлах тухай” Улсын Их Хурлын Төсвийн байнгын хорооны 2022 оны 09 дүгээр тогтоол, Монгол Улсын Ерөнхий аудиторын 2023 оны “Аудитын жилийн төлөвлөгөө батлах тухай” А/04 дүгээр тушаалын дагуу “Монгол Улсын 2022 оны нэгдсэн төсвийн гүйцэтгэл”-д аудит хийнэ.

Төрийн аудитын тухай хуулийн 17 дугаар зүйлийн 17.1 дэх хэсэгт “Төрийн аудитын байгууллага чиг үүргээ хэрэгжүүлэхдээ шинжээчийг зохих журмын дагуу томилон ажиллуулж болно” гэж заасны дагуу ажил гүйцэтгэх, шаардлагад нийцсэн мэргэшсэн, ажлын туршлага бүхий шинжээчийг аудитад оролцуулна.

ХОЁР. ГҮЙЦЭТГЭХ АЖИЛ, ҮҮРЭГ

Шинжээч нь Монгол Улсын 2022 оны нэгдсэн төсвийн гүйцэтгэлийн тайланд аудит хийх Үндэсний аудитын газрын Санхүү-нийцлийн аудитын газрын аудитын багийн бүрэлдэхүүнд орж дараах чиглэлүүдээр судалгаа, шинжилгээ хийх, дүгнэлт зөвлөмж боловсруулах, аудитад туслах, арга зүйн зөвлөгөө өгөх ажлыг гүйцэтгэнэ. Үүнд:

2.1 Монгол Улсын төсөв, мөнгөний бодлого уялдаж байгаа эсэхэд дүн шинжилгээ хийх;

2.2 Монгол Улсын 2022 оны төсвийн төлөвлөлт, гүйцэтгэлд баримталсан бодлого, чиглэл нь төсвийн тогтвортой байдал, “Алсын хараа 2050”, Монгол Улсыг хөгжүүлэх 2021-2025 оны төлөвлөгөө, Засгийн газрын 2020-2024 оны үйл ажиллагааны хөтөлбөртэй уялдсан эсэхэд дүн шинжилгээ хийх;

2.3 Засгийн газрын өрийн тайлан, гадаад валютын нөөцийн тогтвортой байдлыг хангах чиглэлээр хэрэгжүүлсэн арга хэмжээнд дүн шинжилгээ хийх, дүгнэлт өгөх;

2.4 Төрийн хэмнэлтийн тухай хуулийн төсөвт үзүүлсэн нөлөөллийн талаар санал, дүгнэлт өгөх;

2.5 МУЕАО-ын баталсан “ТАБ-аас 2022-2023 онд гүйцэтгэх аудитад баримтлах ерөнхий чиглэл”-д заасан ЗГ-ын 2022 оны төсвийн бодлого хэрэгжсэн эсэх талаар дүгнэлт өгөх;

2.6 МУЕА-ын 2021 оны А/111 дүгээр тушаалын хавсралтаар баталсан “ТАБ-ын Төсвийн гүйцэтгэлийн тайланд аудит хийх аргачилсан зөвлөмж”-ийг сайжруулах талаар санал боловсруулах;

2.7 Аудитын дүнд үндэслэн санал, дүгнэлт, зөвлөмжийн төсөл боловсруулах, аудитын багт арга зүйн зөвлөгөө өгөх;

Шинжээч нь Монгол Улсын Ерөнхий аудиторын орлогчийн албан үүргийг түр орлон гүйцэтгэгч болон аудитын газрын захирал, аудитын менежер, ахлах аудиторын өгсөн чиглэл, арга зүйн дагуу аудитыг гүйцэтгэнэ.

Аудитын явцад олж авсан мэдээллийг төрийн аудитын үйл ажиллагаанд ашиглахаас өөр зорилгоор хөндлөнгийн этгээдэд дамжуулах, хувийн буюу бусдын ашиг сонирхлын төлөө ашиглуулах эрхгүй бөгөөд мэдээллийн нууцыг чанд хадгална.

Шаардлагатай тохиолдолд шинжээч аудитыг гэрээний хугацаанд багтаахын тулд илүү цагаар ажиллана.

ГУРАВ. АЖЛЫН ХАМРАХ ХҮРЭЭ

Шинжээч нь Монгол Улсын 2022 оны нэгдсэн төсвийн гүйцэтгэлийн аудитыг гүйцэтгэх Санхүү-нийцлийн аудитын газрын аудитын багийн бүрэлдэхүүнд орж ажиллах ба аудитын багийн хамт талбарт очиж аудитыг гүйцэтгэнэ.

Монгол Улсын 2022 оны нэгдсэн төсвийн гүйцэтгэл, Улс, Орон нутаг, Эрүүл мэндийн даатгалын болон Нийгмийн даатгалын сангийн төсвийн гүйцэтгэлийн тайлан, холбогдох бусад баримт материалыг хамруулна.

Шинжээч нь аудитын гүйцэтгэлийн үе шатанд тус ажлын даалгаврын 2.1-2.6-д заасан чиглэлүүдээр судалгаа, шинжилгээ хийж, дүгнэлт зөвлөмж боловсруулна.

Шаардлагатай тохиолдолд аудитын тайлагналын дараах үе шатанд аудитын тайланг Улсын Их Хурлаар хэлэлцэх шатанд нэмэлт судалгаа, шинжилгээг аудитын багт гаргаж өгнө.

ДӨРӨВ. ХҮЛЭЭГДЭЖ БУЙ ҮР ДҮН, БҮТЭЭГДЭХҮҮН

Шинжээч нь ажлын даалгаварт тусгагдсан зорилгыг хэрэгжүүлж, ажил үүргийн хуваарийн дагуу хамрах хүрээний ажлыг Монгол Улсын Ерөнхий аудиторын 2020 оны А/106 дугаар тушаалаар баталсан “Төрийн аудитын байгууллагаас аудит хийх журам”-д нийцүүлэн гүйцэтгэж, аудитын гүйцэтгэлийн үе шатанд судалгаа, дүн шинжилгээ, тооцоолол хийж, тайлагналын үе шатанд аудитын тайлан бичиж, аудитын дүнд үндэслэн дүгнэлт, зөвлөмж боловсруулах бөгөөд ажлын баримтыг аудитын багт цаасан болон цахим хэлбэрээр хүлээлгэж өгнө.

Ажлын даалгаварт заасан ажил үүргийг гүйцэтгэхдээ ахлах аудитор, аудитын менежер, газрын захирлын өгсөн чиглэлийн дагуу тухай бүр чанартай, түргэн шуурхай гүйцэтгэж, аудитын дүгнэлт, зөвлөмж, ажлын тайлан бэлтгэсэн байна.

ТАВ. УДИРДЛАГА, ЗОХИОН БАЙГУУЛАЛТ

Гүйцэтгэх ажил үүргийн хүрээнд аудитыг гүйцэтгэж байгаа шинжээч нь Санхүү-нийцлийн аудитын газрын аудитын багтай хамтран ажиллах бөгөөд шаардлагатай дэмжлэг, туслалцааг тус газраас үзүүлнэ.

Ажлын даалгаврыг гүйцэтгэхээр шалгарсан шинжээч нь ажил эхлүүлэх болон үүсэж болзошгүй хүндрэл бэрхшээл, эрсдэлээс урьдчилан сэргийлж, захиалагч /Үндэсний аудитын газар/-тай урьдчилсан уулзалт, ярилцлага хийх, шаардлагатай асуудлаар нэмэлт тодруулга авч ажиллаж болно.

Аудитын явцад илэрсэн зөрчил, шийдвэрлэх боломжгүй асуудал үүссэн бол тухай бүр захиалагч талын холбогдох албан тушаалтанд шууд мэдэгдэнэ.

ЗУРГАА.ТАВИГДАХ ШААРДЛАГА БОЛОН АЖЛЫН ТУРШЛАГА

Шинжээч нь Үндэсний аудитын газартай хамтран ажиллахад аудитын үйл ажиллагаатай холбоотой төр, байгууллага, хувь хүний нууцад хамаарах мэдээллийг задруулахгүй байх, ашиг сонирхлын зөрчилгүй гэдгээ бүрэн илэрхийлсэн байх бөгөөд иж бүрэн түншлэлийн чиглэлээр хамтран ажиллана.

Тавигдах шаардлага болон ажлын туршлагын хүрээнд шинжээч нь

- Төсвийн төсөл, төсвийн гүйцэтгэлээр макро түвшний судалгаа, дүн шинжилгээ хийж байсан ажлын туршлагатай;
- Санхүү, эдийн засгийн мэргэжилтэй;
- Санхүү, эдийн засгийн чиглэлээр эрдмийн зэрэг /магистр болон түүнээс дээш/, цолтой;
- Мэргэжлийн гадаад хэлний /англи хэл/ мэдлэгтэй.

ДОЛОО. АЖЛЫН КАЛЕНДАРЧИЛСАН ТӨЛӨВЛӨГӨӨ

Ажлын цагийн үзүүлэлтүүд		1-р долоо хоног /V.18-V.19/	2-р долоо хоног /V.22-V.26	3-р долоо хоног /V.29-VI.02	Аудитын тайлан УИХ-аар хэлэлцүүлэх үе шат /VI.09-VI.23/	Нийт
Ажиллах хоног		2	5	5	3	15
Өдөрт ажиллах цаг		8	8	8	5	111
Аудитын үе шат	Гүйцэтгэх					
	Тайлагнах					
	Тайлагналын дараах					

НАЙМ . ТӨЛБӨРИЙН НӨХЦӨЛ

Шинжээчийн ажлын хөлсийг харилцан тохиролцож гэрээнд заасан нөхцөл, хуваарийн дагуу ажлын гүйцэтгэлд үндэслэн олгоно.